

corporis Christi apud proconsulem Treutwyn et sourum consedentium anno domini MCCCCXXXIII^o etc.

834.

1435 November 24

Hildebran Schwertfeger verpfändet einen Acker.

fol. 152r ^(a)Wyszit das Hillebrand Swertfeger eyn gewende agkerz, gelegin an Mergentaler straszin, ingesaczt hat^{b)} zu phande Michel Styerern vor funff ryn(ische) gulden, daz er sich des geldes vor menlichen daran erholen sal. Ouch hat om Nickel Schyfermeszir daran globet von syn weyn ane schaden zu bezalen 3 gulden, eyn uff wynachten, eyn uff purificationis Marie, den dritten uf unsirn jarmargk und wenn om dy von Nickel werden, so sullin sy Swertfeger an den funff gulden abe gehen. Actum in vigilia Katherinae anno domini MCCCCXXXV¹⁰.

a) alles durchgestrichen b) über die Zeile geschrieben

835.

1436 September 28

Die Stadt vermerkt auf Bitten von Nikol Tasche und der Familie Klinger deren Einigung über ein Geldgeschäft.

fol. 152v-153v Clingners und Taschzin entscheidunge. Wiszit das in unsern siczczindin rath komen synt Nicol Taschze, unser mitburger, uff eyne und dy Klingner yn der Longwicz und ire eydeme und swegere mit irer beider partie frunden uff den andern teil und habin uns bericht, wy das sy sich gutlichen beteydigit habin noch luche eyne eynir czedelen, dy sy vor uns geleit und flisziglichen gebetin habin, das wir dy yn unser stadbuch on beidirsyt zugute schr(eiben) wollin laszin, schr(eiben) doby gereth und globet, daz sy dem teydige uff beyde teil^{a)} genczlichen noch kommen wollen. Habin wir angesehen ire bethe und gelobde und das yn unser bûch heiszin schr(eiben) dy czedele denn uzwyszit von worte zu worte in maszin er noch geschr(ieben) stehit.

Ich, Nickel Klingner der alde, Hans Klingner, syn son, beide zur Longwicz geseszin, Peter Bergkman, ouch doselbins geseszin, und Lorencz Senszinsmid czu Kirchperg geseszin, beyde syne eydeme, alle unsere erbin und erbnemen bekennen mit deszim unsern offen briffe vor allen den, dy on sehin, horin addir leszin, das wir alle eyntrechtiglichen mit gesampter hant selbschuldiglichen rechter, redelicher schult schuldig synt dem ersamen manne Nickel Taschzin, burger zu Czwickau, Margarethen, synir elichin wirtin, allin iren erbin und erbnemen addir wer deszin briff mit iren guten